

Tutu ñanoó ti'ví taPablo kua'an ña nda'a taTimoteo

Xí'in to'on yó'o taPablo chindeé ra taTimoteo

¹ Yi'i, taPablo, taapóstol xí'in ndayí Jesucristo kúu i, chi saá Ndios xí'in Jesucristo sakuiso chiño ra yi'i. Ndios kúu Taa ta Sakuaku mii yó noo ña on vá'a, ta Jesucristo táxi ra ña kúndaq ini yó ndí ndixa kasa ndivi ra ña ndáti mii yó xa'a ña kándixa yó ra.

² Chindeé i yó'ó, taTimoteo, taa ta yóo ndatán yóo sa'ya mii i. Ta yi'i, ndatán yóo yivá mii ún saá nixiyo i xí'in ún saná'a i yó'ó xa'a yichi Jesucristo. Ta vitin kóni i ndí Ndios Yivá yó xí'in Jesucristo ta xá'nda chiño noo yó, ná kundá'ví ini ra koni ra yó'ó, ná ke'é ra ñava'a xí'in ún, ta ná taxi ra ña koo va'a ini ún. Saá ná koo.

Sava nivi na saná'a xa'a yichi Jesucristo ká'an na to'on ña on sivi ñandaq kúu

³ Kivi ta'an ka kee i ñoo Éfeso ta kixaq i ñii xiiña noo ño'o naní Macedonia yó'o, ta ndukú i ñava'a noo yó'ó ña kindoo ka ún ñoo Éfeso. Saá chi kóni i ña ka'an ún xí'in nivi na saná'a to'on ña on vása yóo yu'ú xí'in to'on ña ndaq ndino'o xa'a yichi Jesucristo. Ka'an ún xí'in nayó'o ña sandakoo na, ta on saná'a ka na to'on yó'o, chi on sivi ñandaq kúu ña.

⁴ Ta ka'an ún xí'in na ña on chikaq so'o na cuento yatá ña on koo xa'a. Ta ndato'on ún xí'in

na ndí ɔn chikaꝯ na ndeꝯ xa'a ña sakuá'á na yu kúu naxijí síkuá na. Saá chí xa'a ña ké'é ñivi saá kixá'á na xí'in to'on káni tá'an na xí'in tá'an na, ta ñayó'o nda lo'o ɔn vása chindeé ña na ña va'a kutaku na yichí Ndios. Chi ndasaá kuiti ña kándixa yó Jesucristo kúu ña chindeé yó ña va'a kutaku yó yichí Ndios.

⁵ Ta ña xíní ñó'ó ní noꝯi kúu ña chindeé ún nañani yó xí'in náki'va yó ña ndixa kuki'vi ini na koni tá'an na. Tá vivíi ndii nakoo níma na, ta ɔn koꝯ xa'a ña níma mji na chikaꝯ ña kuachi kuiso na, ta ndino'o ini na kandixa na Ndios, ta saá kukomí na ndeꝯ ña ndixa kuki'vi ini na koni tá'an na.

⁶ Ta sava ñivi xa sandakoo na ña va'a kutaku na xí'in tá'an na, ta vitin ndasaá kuiti náa na xí'in inká ñivi xa'a ña ɔn vása ndaya'ví.

⁷ Nanjivi yó'o kóni na kuu na maestro ña saná'a na ndayí Ndios ña ñitaa ta Moisés xina'á, ta ɔn vása xíní na ña ká'an na, ni ɔn vása kúndaꝯ ini na xa'a to'on sáná'a na, vará xáni sijní na ndixa to'on ña ndaꝯ sáná'a na.

⁸ Xíní yó ndí ndayí ña xa'nda chiño Ndios xina'á kúu ña va'a. Ta saá ni, tá ɔn vása xíní yó yu kúu xa'a chindú'u Ndios ndayí ra, ta ndasaá kuiti kisa ndivi yó ña ndatán xáni sijní mji yó, ta saá ndixa kuá'an yó yichí ɔn vá'a.

⁹ Ndixa xíní ñó'ó kúndaꝯ ini yó yu kúu xa'a ña chindú'u Ndios ndayí. ɔn sivi xa'a ñivi nandaꝯ na kisa ndivi ña kóni Ndios kúu ña chindú'u ra ndayí. Ta chindú'u ra ndayí xa'a ñivi na toon ní ini, ta xa'a ñivi na ɔn xjin kasa ndivi ña kóni Ndios, ta xa'a ñivi na ɔn vá'a, ta xa'a ñivi na kí'vi ní kuachi, ta xa'a ñivi na ɔn xjin kasa to'ó Ndios,

ta x̄a'a n̄ivi na x̄áku ndaa n̄oḡ ndi'i ñava'a Ndios, ta x̄a'a n̄ivi na x̄á'ni yivá si'í m̄ji, ta x̄a'a n̄ivi na x̄á'ni ink̄a n̄ivi,

¹⁰ ta x̄a'a t̄aa t̄a kí'vi kūachi x̄í'in ña'a ñá ḡn s̄iví ñásí'í ra kúu, ta x̄a'a ña'a ñá kí'vi kūachi x̄í'in ink̄a t̄aa t̄a ḡn s̄iví ȳi ñá kúu, ta x̄a'a t̄aa t̄a kí'vi kūachi kini x̄í'in ink̄a t̄aa, ta x̄a'a ña'a ñá kí'vi kūachi kini x̄í'in ink̄a ña'a, ta x̄a'a n̄ivi na t̄in ink̄a n̄ivi ña taan se'é ña'á na,* ta x̄a'a n̄ivi na ká'ḡn t̄o'on vatá x̄í'in n̄ivi, ta x̄a'a n̄ivi na ndákuiḡn t̄o'on vatá n̄oḡ nachíño, ta x̄a'a n̄ivi na s̄áa ini x̄ini t̄o'on ndaa ña sáná'a yó. X̄a'a ndi'i n̄ivi na ké'é ña ḡn vá'a yó'o, Ndios ch̄indú'u ra ndayí ña ka'nda chíño n̄oḡ na ña ḡn ke'é na saá.

¹¹ Ta n̄ivi na ké'é ña ḡn vá'a yó'o ḡn vása yóo yu'ú na x̄í'in t̄o'on ña sáná'a yó, ña kúu t̄o'on ña ndaa, ña va'a, ña livi ní. Ta m̄ji t̄o'on va'a yó'o kúu ña ká'ḡn ndoso ḡ n̄oḡ n̄ivi, chí Ndios s̄akuiso chíño ra ȳi'í ke'é ḡ saá.

TaPablo táxi ra ña táxa'vi ña'á nda'a Jesucristo

¹² Táxi ḡ ña táxa'vi ña'á nda'a Jesucristo, t̄aa t̄a taxi ndee nda'a ḡ, chí x̄áni ini ra ndí ȳi'í kúu t̄andaa, t̄aa t̄a ndixa kasa ndivi va'a chíño ra, ta n̄ikaxin ra ȳi'í kuu ḡ t̄a kisa chíño n̄oḡ ra.

¹³ Ñava'a yó'o ke'é ra x̄í'in ḡ, vará kuiya n̄iya'a x̄ikuu ḡ t̄aa t̄a n̄ika'ḡn ña ḡn vá'a x̄a'a ra, ta saxo'vi ní ḡ n̄ivi na ndíkḡn ȳich̄i ra, ta n̄ika'ḡn ḡ t̄o'on ndiva'a x̄í'in ra. Ta saá ni, Ndios k̄isa ká'no

* **1:10** N̄ivi na t̄in ink̄a n̄ivi ña taan se'é ña'á na, ké'é na saá chí kóni na kasa ndux̄a na x̄í'in na ña kasa chíño na n̄oḡ na, án kóni na ndukú na s̄i'ún x̄a'a na.

ini ra x̄a'ā j, chi ña on vá'a yó'o ke'é j kivi ta'an ka kandixa j Jesucristo, ta tāa tāa naa ini x̄ikuu j.

¹⁴ Vará ndā ñii ñava'a on vása ní-ke'é j noo ra ñakán ke'é ra ñava'a xí'in j, ta kūa'a ní ñava'a xa ke'é Jesucristo xí'in j. Ta tāxi ra ndee ña kuchiño kandixa j ra, ta tāxi ra ndee ña kuchiño kuki'vi ini j koni j n̄ivi. Ta ndi'i ñava'a n̄aki'in j k̄ixi ña noo Jesucristo.

¹⁵ To'on ña ndaā ña x̄ini ñó'ó kandixa va'a yó káchí ña saá: Jesucristo k̄ixaā ra ñoyívi yó'o ña sakaku ra n̄ivi na kómí kūachi. Ta ȳi'j, x̄ikuu j ñii tāa tāa x̄ikomí kūa'a ní kūachi, chi ndixa x̄ikuu j ñii tāa tāa on vá'a ní ka noo ndi'i ink̄a n̄ivi.

¹⁶ Ta Jesucristo k̄isa ká'no ini ra x̄a'ā ndi'i ña on vá'a ke'é j. Ta ñava'a ke'é ra xí'in j sáná'a ndí ta ká'no ní ini kúu ra. Ta saá ndi'i n̄ivi kúchiño kundaā ini na ñii k̄i'va ndatán k̄isa ká'no ini Jesucristo x̄a'ā j, saá kúchiño kasa ká'no ini ra x̄a'ā ndi'i n̄ivi na ndino'o ini kándixa Jesucristo, ta saá kutaku na xí'in ra ndi'i saá kivi ña vāxi.

¹⁷ X̄a'ā ñava'a yó'o, ¡ná kasa ká'no yó Ndios! ¡Chi Ndios kúu taká'no ní, tāa tāa ndi'i saá kivi xá'nda chiño noo ndi'i yó, ta kúu ra tāa tāa xa táku ndi'i saá kivi x̄ina'á, ta kutaku ka ra ndi'i saá kivi ña vāxi! Ta Ndios ndino'o, on kúchiño koni yó ra xí'in nduch̄u noo yó, ta ñii laá ra saá kuiti kúu Ndios, tāa tāa ndichí ní sin̄i kúu ra. ¡Ná naki'in Ndios ndi'i ñato'ó! ¡Ná kanóo síkón to'on ra ndi'i saá kivi ña vāxi! ¡Saá ná koo!

¹⁸ Timoteo, ndatán yóo sa'ya m̄ij yóo ún, ta vitin sákuiso chiño j yó'ó ña kasa ndivi ún chiño ña ndato'on j xí'in ún ña n̄itaa j noo tutu yó'o. Chiño va'a yó'o ñii yu'ú yóo ña xí'in to'on ña tāxi Níma Ndios ña n̄ika'an nañani yó x̄a'ā m̄ij ún

kuiya n̄iya'a. Va'a ná chikaa ún ndee ña kasa ndivi ún to'on yó'o, xa'a ña kundeé ún noo ña on vá'a.

¹⁹ Ná chindeé to'on ña ñaki'in ún ña kandixa ndino'o ini ún Jesucristo ta vivíi ko'on ún yichi ra. Ta saá on koó xa'a ña níma ún sakuiso ña kuachi sata m̄i ún. N̄ixiyo n̄ivi na on vása ní-ke'é saá. Vará kúndaá ini na yu kúu ñava'a, ta n̄i-xiin na kasa ndivi na ña. Ta xa'a ñayó'o, ndi'i xa'a ña kándixa na Jesucristo. Ndátán n̄itani ñii barco xí'in ña n̄indo'o nó noo takuii m̄ini, saá n̄indo'o ña.

²⁰ Ñii ki'va saá n̄indo'o ovi ta ta kúu taHimeneo xí'in taAlejandro, ta xa'a ñayó'o n̄ataxi i ovi ra saá nda'a ñaníma ndiva'a ká'no Satanás ña saxo'vi ña'á ña. Saá chi kóni i ña ovi tayó'o sakuá'á ra ña on ka'an ra to'on ndiva'a xí'in Ndios.

2

TaPablo ká'an ra ndasaá va'a ka'an yó xí'in Ndios

¹ Nañani yó xí'in náki'va yó, ña si'na ndúkú i noo ndó'ó kúu ña ka'an ndó xí'in Ndios xa'a ndi'i n̄ivi. Ka'an ndó kuaku ndá'ví ndó noo ra xa'a n̄ivi, ka'an ndó ndukú ndó ñava'a noo ra xa'a na, ka'an ndó ndukú ndó noo ra ña chindeé ra na, ta taxi ndó ña táxa'vi ña'á nda'a ra xa'a ndi'i ñava'a ke'é ra.

² Ndukú ndó ñava'a noo Ndios xa'a ndi'i narey xí'in inká na xá'nda chiño noo yó. Ndukú ndó ñava'a yó'o noo Ndios xa'a ña on kóo kuachi ni on kóo inká ña sandi'i ini m̄i yó. Ta saá xí'in ñato'ó ní ini yó kutaku yó xí'in ndi'i n̄ivi, ta xí'in

ña ndino'o ini yó kasa ká'no yó Ndios ta va'a kundikōn yó yichi ra.

³ Tá kisa ndivi yó ndi'i ñayó'o, ta ñava'a ní kúu ña, ta Ndios, Taa ta Sákaku mii yó, kúsi ini ra xini ra ñava'a yó'o.

⁴ Saá chi Ndios kóni ra sakaku ra ndi'i nivi, ta kóni ra ndi'i nivi tonda na kunda ini na yu kúu ñanda.

⁵ Chi ndixa ñii laá kúu Ndios, ta ñii laá kúu taa ta kúchiño sanakutá'an va'a nivi xí'in Ndios. Ta taa ta kúchiño ke'é saá kúu Jesucristo,

⁶ chi Jesucristo taxi xí'in mii ra, nixi'i ra xa'a ña kúchiño sakaku ra ndi'i nivi noo ndee ña on vá'a. Ta saá kivi chitóni Ndios, taxi ra ña kunda ini yó xa'a ñava'a ke'é Jesucristo, ta taxi ra ña ndátō'on yó xí'in nivi xa'a ra.

⁷ Ta xa'a ñayó'o Ndios sakuiso chiño ra yi'i ña ka'an ndoso i to'on ra, ta nikaxin ra yi'i kuu i taapóstol ta xika chiño noo ra. Ta Ndios sakuiso chiño ra yi'i ña saná'a i nivi na on vása kúu najudío ña kúchiño kunda ini na yu kúu ñanda ta ndasaá kúchiño kandixa na Jesucristo. Jesucristo xini ra ña ndixa ndaa kúu to'on yó'o ña nika'an i xí'in ndó, on sivi to'on vatá kúu ña.

⁸ Ñayó'o kóni yi'i ke'é ndó: Ndi'i saá xiiña noo nákutá'an ndó xa'a ña kasa ká'no ndó Ndios, ta nataa na táku ndatán kóni Ndios, va'a ndaní'i na nda'a na ta ka'an na xí'in Ndios. Ta nataa yó'o on vá'a kusa ini na koni na inká nivi, ni on vá'a kani tá'an na xí'in nivi.

⁹ Ta ndi'i xiiña noo nákutá'an ndó xa'a ña kasa ká'no ndó Ndios, ñayó'o kóni yi'i ña ke'é náña'a: Va'a kundixin to'ó ná tikoto, tikoto to'ó ña xini

ñó'ó ná x̄a'a chiño ña kisa ndivi ná, tikoto ña on chinoo ñino ñato'ó ná noo ink̄a ñivi. Ta saá on x̄iin̄i ña kundixin ná tikoto ña yá'ví ní, ni on kasa ndivi ná x̄i'in̄i yisīi s̄ini ná ndatán ké'é náña'a ná kóni kasa ká'no x̄i'in̄i m̄ii noo ñivi ña koto ndaa na náyó'o, ni on chindoo ndaa ná x̄i'in̄i m̄ii ná ña kúu oro yá'ví ní án̄i yuū livi ña yá'ví naní perla x̄a'a ña koto ndaa ñivi náyó'o.

¹⁰ Saá chi m̄ii ña ndixa ndása livi ní náña'a kúu chiño va'a ké'é ná, ndatán yoo chiño noo náña'a ná ndixa kisa ká'no Ndios ta va'a kuá'an ná yichi ra.

¹¹ Ta kivi sákuá'á náña'a to'on ña ká'an x̄a'a yichi Ndios, ta x̄ini ñó'ó tásiin̄i koo ná ta x̄i'in̄i ñato'ó ní ini ná koni so'o ná to'on yó'o.

¹² Ta yi'i, on vása táxīi ndayí nda'a náña'a saná'a ná nataa ve'e noo nákutá'an ñivi kasa ká'no na Ndios, ni on vása táxīi ndayí nda'a náña'a ka'nda chiño ná noo nataa, ta x̄ini ñó'ó tásiin̄i koo ná.

¹³ Saá chi Ndios si'na kisa va'a ra taAdán, ta saá kisa va'a ra ñáEva.

¹⁴ Ta ñandiva'a ká'no Satanás on sivi si'na sandá'ví ña taAdán, chi si'na sandá'ví ña ñáEva. Ta náyó'o x̄ikuu ña si'na nakava x̄i'in̄i ña on vá'a.

¹⁵ Ta saá ni, Ndios sakaku ra náña'a kivi kaku sa'ya ná, tá ké'é ná saá: X̄ini ñó'ó kuu ná náña'a ná ndi'i saá kivi kándixa Jesucristo, ta x̄ini ñó'ó kuu ná náña'a ná kí'vi ini x̄ini ná ink̄a ñivi, ta x̄ini ñó'ó kuu ná náña'a ná táku to'ó ndatán kóni Ndios.

3

To'on yó'o ká'an ndasaá x̄ini ñó'ó kutaku

na ndíso chiño xí'in natá'an na na kándixa Jesucristo

¹ To'on ña ndixa ndaḡa káchí ña saá: Tá yóo nataḡa na kóni kuiso chiño xí'in natá'an na na kándixa Jesucristo, ta chiño ña kóni na kasa ndivi nayó'o kúu ñii chiño va'a ní.

² Ta ñii ñii ta ndíso chiño xí'in natá'an ra na kándixa Jesucristo xini ñó'ó kuu ra taḡa taḡandaḡa, taḡa ta kánóo va'a to'on xa'a noḡo ñivi. Ta ñii ñii tayó'o xini ñó'ó kukomí ra ñii laá kuiti ñásí'í mji ra. Ta xini ñó'ó kuu ra taḡa ta násita xí'in mji noḡo ña on vá'a, ta xini ñó'ó kuu ra taḡa ta si'na xáni siji yu kúu ña va'a ke'é ra, ta saá kisa ndivi ra ña xini ñó'ó ka. Xini ñó'ó kuu ra taḡa ta va'a to'ó táku noḡo ñivi, taḡa ta va'a náki'in ñivi na kíxaḡa ve'e ra. Ta xini ñó'ó kuu ra taḡa ta xa yóo ti'va ndasaá va'a saná'a ra ñivi.

³ Ta on vá'a kuu ra taḡa ta xí'i ní, ni on vá'a kuu ra taḡa ta kama ní sáḡ ini, ta káni tá'an ra xí'in ñivi, ni on vá'a kuu ra taḡa ta sándá'ví ñivi xa'a ña ki'in ra si'ún nda'a na. Ta xini ñó'ó kuu ra taḡa ta vitá ini, taḡa ta xí'in ñato'ó nákutá'an xí'in ñivi, taḡa ta on vása kútoo ní kukomí kuḡa ní si'ún.

⁴ Ta xini ñó'ó kuu ra taḡa ta ndixa ní'i va'a yichi xí'in nave'e mji ra, ta xini ñó'ó kuu ra taḡa ta xini va'a ndasaá ka'nda chiño ra noḡo sa'ya ra, ta ñakán nasa'ya ra yó'o va'a kasa ndivi na chiño kóni ra, ta va'a to'ó kutaku na noḡo ndi'i ñivi.

⁵ Saá chi tá yóo taḡa ta on vása kúchiño kuni'i va'a yichi xí'in nave'e mji ra, ta tayó'o on kuchiño ra kuni'i va'a ra yichi xí'in natá'an ra na kándixa Jesucristo.

⁶ Ñii ñii taḡa ta ndíso chiño xí'in natá'an ra na kándixa Jesucristo, on vá'a kuu ra taḡa ta sakán

kixá'á kándixa Jesucristo. Saá chi yiyó ní kixá'á ra kasa ká'no xí'in m̄ji ra x̄a'a ña kisa ndivi ra chiño ká'no, ta Ndios saxo'v̄i ra t̄aa t̄a kisa ká'no xí'in m̄ji. Saá chi kūiya x̄ina'á ñaním̄a ndiv̄a'a ká'no kisa ká'no xí'in m̄ji ña noo Ndios, ta Ndios ká'an ra ndí ndixa saxo'v̄i ní ra ñandiv̄a'a x̄a'a kuachi yó'o.

⁷ Saá tuku ñii ñii t̄a ndíso chiño xí'in natá'an ra na kándixa Jesucristo x̄in̄i ñó'ó kuu ra t̄aa t̄a kánóo v̄a'a to'on x̄a'a noo ink̄a ñivi na on vása kándixa Jesucristo. Ta x̄in̄i ñó'ó viv̄i kutaku ra ña on sakuka'an ra noo ra noo ñivi, ta x̄a'a ñayó'o ñaním̄a ndiv̄a'a ká'no on kuchiño ña sandá'ví ña ra.

To'on yó'o ká'an ndasaá x̄in̄i ñó'ó kutaku ñivi na chindeé natá'an na na kándixa Jesucristo

⁸ Ta saá tuku ñii ñii t̄aa t̄a nákuiso chiño ña chindeé ra natá'an ra na kándixa Jesucristo x̄in̄i ñó'ó kuu ra t̄aa t̄a to'ó, ta síkón kánóo ñato'ó ra noo ndi'i ñivi, ta kuu ra t̄aa t̄a ndixa kisa ndivi to'on ña ká'an ra. Ta x̄in̄i ñó'ó kuu ra t̄aa t̄a on vása x̄i'i ní, ni on vá'a kuu ra t̄aa t̄a sandá'ví ñivi x̄a'a ña ki'in ra si'ún nda'a na.

⁹ X̄in̄i ñó'ó kuu ra t̄aa t̄a ndino'o ini kándixa to'on v̄a'a x̄a'a Jesucristo ña kúu to'on ña sanat̄ivi Ndios noo yó ña kundaa ini yó ña. Ta tayó'o x̄in̄i ñó'ó v̄a'a kutaku ra x̄a'a ña ním̄a m̄ji ra on kuchiño ña chikāa ña kuachi sata ra.

¹⁰ Ta ñii ñii t̄aa t̄a nakuiso chiño ña chindeé ra natá'an ra na kándixa Jesucristo, si'na x̄in̄i ñó'ó koto ndoso v̄a'a ndó tayó'o. Ta t̄aa t̄a v̄a'a keta noo ña x̄ito ndoso ndó ra, chi x̄i'in ña táku ra kisa ndaa ña x̄a'a ra ndí kúu ra t̄aa t̄a v̄a'a, t̄a ndaa, ta tayó'o, v̄a'a sakuiso chiño ndó ra ña kasa ndivi

ra chiño ña chindeé ra natá'an ra na kándixa Jesucristo.

¹¹ Ta ñii kǐ'va ndatán táku ɬaa ɬa ndíso chiño yó'o, saá xínǐ ñó'ó kutaku ñii ñii ña'a ñá kǐsa chiño ɲoɔ Ndios. Ñii ñii ñáña'a yó'o xínǐ ñó'ó kuu ñá ñato'ó, ta síkón kánóo ñato'ó ñá ɲoɔ ndi'i ɲivi. Ta ɔn vá'a kuu ñáña'a ñá ká'an to'on vatá xa'a ɲivi. Ta xínǐ ñó'ó kuu ñáña'a ñá va'a násita xí'in mǐi ɲoɔ ña ɔn vá'a. Ta xínǐ ñó'ó kuu ñá ñáña'a ñá vivii kǐsa ndivi ndi'i chiño ɲoɔ mǐi ñá.

¹² Ta ñii ñii ɬaa ɬa nákuiso kasa chiño ña chindeé ra natá'an ra na kándixa Jesucristo, xínǐ ñó'ó kukomí ra ñii laá kuiti ñásí'í mǐi ra, ta xínǐ ñó'ó kuni'i va'a ra yichǐ xí'in sa'ya ra, ta ñii kǐ'va saá xí'in inkǎ nave'e ra.

¹³ Ta ndi'i na ndíso chiño ña chindeé ɲivi natá'an na na kándixa Jesucristo, tá va'a kǐsa ndivi nayó'o chiño ndíso na, ta ñakán kanóo va'a ñato'ó na ɲoɔ ɲivi, ta saá tuku ɔn kuyǐ'ví na ndato'on na xí'in ɲivi xa'a Jesucristo, ɬaa ɬa kándixa na.

Ñayó'o ká'an xa'a to'on ndaa ña kándixa yó xa'a Jesucristo

¹⁴ Ndátǐ ǐ ña yachǐ ní xaǎ ǐ ɲoɔ yóo ún, ta vitin táa ǐ to'on yó'o ña ti'ví ǐ ña xaǎ ña nda'a ún,

¹⁵ chi tá ɔn kuchiño xaǎ yachǐ ǐ, ta xí'in to'on yó'o kundaǎ va'a ini ún ndasaá xínǐ ñó'ó kutaku ndi'i nave'e Ndios, na kúu ndi'i ɲivi na ndixa kándixa va'a Ndios ɬatáku. Chi ndi'i ɲivi na kándixa Jesucristo kúu nave'e Ndios, ta ndatán yóo yitɔn tón ñíndichi ma'ño ve'e, ta ndíso nó ña, saá yóo ɲivi yó'o, chi ndino'o ini na kándixa na to'on Ndios, ta kǐsa ndivi na ña ká'an ra. Ta

xí'in ña ké'é na saá, sáná'a na ndí ña ndixa ndaa kúu to'on Ndios.

¹⁶ Ndixa ña ká'no ní kúu to'on ña kándixa yó xa'a yichí Jesucristo. To'on yó'o xinakaá se'é ña, ta vitin Ndios sanativi ra ña noo yó. Ta to'on kándixa yó xa'a Jesucristo káchí ña saá:

Ndios ndyu ra ñivi, ta ñixika ra noo ñivi noo ño'o yó'o.

Níma Ndios kisa ndaa ña ndí tandii, ta on vása kómí kuachi kúu ra.

Naángel xini na tayó'o.

Ta ñivi na kándixa ña'á ñika'an ndoso na xa'a ra noo inka ñivi na ndoo ñoo inka xiiña, na on vása kúu najudío.

Ta ñoyívi yó'o ku'a ní ñivi kándixa na ra.

Ta saá kee ra ñoyívi yó'o, ta ndaa ra ñoyívi ñino, noo yóo ndí'i ñava'a ña livi ña yé'e, káchí to'on ña kándixa yó.

4

*To'on yó'o ká'an ndí kivi ña vaxi
koo ñivi na chikaá so'o to'on vatá*

¹ Níma Ndios ñika'an káxín ña saá: Tá xa vaxi yatin kivi sondí'í ñoyívi, ta sava ñivi sandakoo na yichí Jesucristo, ta chikaá so'o na ña ká'an ñaníma ña sándá'ví ña'á, ta kándixa ñivi to'on ña sáná'a ñaníma ndiva'a yó'o.

² Chikaá so'o na to'on ña ká'an ñivi na vatá, na ovi yu'u. Nanivi na vatá yó'o on kúchiño ka kundaa ini na yu kúu ñava'a, án ña on vá'a ke'é na, ni nda lo'o on vása kúka'an ka noo na xa'a ña on vá'a ke'é na.

³ Njivi na vatá yó'o xá'nda chiño na ká'an na ndí on vá'a tonda'a ɾa xí'in ña'a, ta xá'nda chiño na ká'an na ndí on vá'a kuxu yó sava ña va'a xíxi njivi. Ta on vá'a xá'nda chiño nayó'o, chi ndi'i ña xíxi njivi kúu ñava'a ɾaxi Ndios nda'a na. Ta saá mji yó, njivi na kándixa Ndios, ta kúnda'a ini yó to'on nda'a, va'a kuxu yó ndi'i ña táxi Ndios nda'a yó. Ta saá tá taxi yó ña táxa'vi ña'á nda'a Ndios xa'a ña, ta va'a kuxu yó ña.

⁴ Saá chi ndi'i ña kisa va'a Ndios kúu ña va'a. Ta saá táná si'na taxi yó ña táxa'vi ña'á nda'a Ndios xa'a ña kuxu yó, ta va'a kuxu yó ña, chi on vá'a xaa noo yó nda ñii ñava'a ña kúu ña njika'an Ndios va'a kuxu yó.

⁵ Va'a kuxu yó ndi'i saá noo ñaxíxi, chi to'on Ndios xí'in to'on ña ká'an yó táxi yó ña táxa'vi ña'á nda'a ra, ta ndása ndii ña ndi'i ña kuxu yó.

*To'on yó'o ká'an ndasaá xini ñó'ó
kasa chiño ɾa Timoteo noo Jesucristo*

⁶ Tá saná'a ún to'on yó'o noo nañani yó xí'in náña'a kiva yó, ta saá ndixa kuu ún ɾa ɾa va'a kisa chiño noo Jesucristo. Saá chi ndatán yóo ñava'a xíxi ún ña táxi ndee nda'a ún, saá yóo to'on va'a ña kándixa ún ta sáná'a ún xa'a yichi Jesucristo ña kúu yichi ndíkõn ún.

⁷ On chika'a so'o ún cuento vatá ña on vása ndáya'ví, ña kúu cuento ndátõn njivi ñoyivi yó'o na on vása kándixa Ndios. Ta sakuá'a ún chika'a ún ndee xí'in mji ún ña va'a kutaku ún ndatán kóni Ndios.

⁸ Saá chi kuiti lo'o ndáya'ví ña chika'a ní yó ndee ke'é yó ejercicio xa'a ña on kóo vitá yiki koñu yó. Ta ví'í ní ka ndáya'ví ña chika'a yó ndee

ña sakuá'á yó kutaku yó ndatán kóni Ndios. Saá chi ña sakuá'á yó ndasaá va'a sakusij yó ini Ndios kúu ña chindeé mji yó kutaku ndino'o yó noo Ndios ñoyívi yó'o xí'in ñoyívi ñino.

⁹ To'on yó'o kúu ña ndixa ndaa ta ndi'i ñivi xínj ñó'ó na kandixa na ña.

¹⁰ Xa'a ñayó'o chíkaa ní yó ndee kasa chiño yó, ta kúndeé yó noo ndi'i ña xó'vi yó xa'a to'on ña on vá'a ká'an ñivi xí'in yó. Kúndeé yó chi ndáti yó ta ndixa ndaa ini yó Ndios kasa ndivi ra to'on ra. Ta Ndios yó'o kúu ta tatakú, ta kómí ra ndee sakaku ra ndi'i ñivi, ta ndixa sakaku ra ndi'i ñivi na kándixa ña'á.

¹¹ Xínj ñó'ó ún ka'nda chiño ún ta saná'a ún ndi'i to'on yó'o noo ñivi natá'an yó na kándixa Jesucristo.

¹² Ta on taxi ún nda ñii ñivi xaa noo na yó'ó xa'a ña kúu ún talo'o. Ta xínj ñó'ó saná'a ún ñivi xí'in ña va'a tákú ún. Ta xa'a ña va'a tákú ún, sakuá'á ñivi ka'an na to'on va'a, ta sakuá'á na kasa ndivi na chiño va'a. Ta sakuá'á na ndasaá va'a kuki'vi ini na kóni na inká ñivi, ta sakuá'á na kandixa ndino'o ini na Jesucristo, ta sakuá'á na ndii kutaku na ndatán kóni Ndios.

¹³ Nda kivi vitin tanda kivi xaa noo yóo ún, ñayó'o xínj ñó'ó ke'é ún: Ka'vi ún to'on Ndios noo nañani yó xí'in náki'va yó, ta ndato'on ún xí'in na ña chikaa ún ndee ini na ña va'a kundikón na yichj Ndios, ta saná'a ún na ñandaa.

¹⁴ Ndios xa saní'i ra yó'ó ñii ndee va'a ña konj ñó'ó ún xa'a ña kasa chiño ún noo ra, ta on sandakoo ún konj ñó'ó ún ndee yó'o, ña kúu ña nakí'in ún kivi naxikua'a ñani yó chinóo na

nda'a na sɪnɪ ún, ta nɪka'an na xí'in mɪi ún tɔ'on ña kee Níma Ndios.

¹⁵ Chikaa ún ndee ta sakuá'á va'a ún ndi'i ñayó'o ña ndát'o'nɪ xí'in ún. Ta saá nañani yó xí'in náki'va yó kundaɔ ini na ndí va'a vaxi kua'no ún xí'in ña kándixa ún ta ndíkɔn ún yichɪ Jesucristo.

¹⁶ Kasa kuenda ún xí'in mɪi ún ña va'a kutaku ún, ta koto va'a ún ña ndasaá kuiti tɔ'on ña ndaa saná'a ún, ta vivii kɔ'on ún yichɪ Jesucristo, ta nda lo'o on sandakoo ún ña. Tá kasa ndivi ún ñayó'o, ta sakaku xí'in mɪi ún, ta saá tuku kaku nɪvi na chikaa sɔ'o tɔ'on ña sáná'a ún.

5

To'on yó'o ká'an ndasaá va'a kutá'an nɪvi xí'in natá'an na na kándixa Jesucristo

¹ On ka'an kue'e ún xí'in nda ñii taxikua'a xa'a ña on vá'a ke'é ra, ta ndátan ka'an ún xí'in yivá mɪi ún, saá xínɪ ñó'ó ka'an ún tɔ'on tɔ'ó xí'in ndi'i ɽa taxikua'a. Ta ndátan ka'an ún xí'in nañani mɪi ún, saá xínɪ ñó'ó ka'an ún xí'in ndi'i ɽa ɽakuáchí.

² Ta ndátan ka'an ún xí'in si'í mɪi ún, saá xínɪ ñó'ó ka'an ún xí'in ndi'i náña'a náxikua'a. Ta ndátan ka'an ún xí'in náña'a kɪ'va mɪi ún, xí'in ñatɔ'ó, ta xí'in ñandii, ñii kɪ'va saá xínɪ ñó'ó ka'an ún xí'in ndi'i náña'a nákuáchí.

³ Tá yóo náña'a ná ndixa nɪndɔo mató'ón, chi nɪxi'ɪ yɪi ná, ta on kɔ'ó nave'e ná, ta xínɪ ñó'ó nañani yó xí'in náki'va yó chindee na náña'a yó'o.

⁴ Ta saá ni, tá náña'a ná nɪxi'ɪ yɪi yó'o kómí ná sa'ya ná, án sa'ya ñani ná, ta nasa'ya náña'a yó'o

kúu na si'na xínjĩ ñó'ó chindeé na náña'a yó'o, ná kúu si'í na án xítan na. Ta xí'in ña ke'é na saá, cha'vi na xa'a ñava'a ke'é yivá si'í na án xij xítan na xí'in na kivi xá'no na. Ta ñivi na kisa ndivi ñava'a xa'a ña chindeé na yivá si'í na, nayó'o sákusij na ini Ndios.

⁵ Ta náña'a ná ndixa ñindo mató'ón, chi ñixi'ij yij ná, ta on koó nave'e ná, ta nayó'o ndixa ndáa ini ná Ndios ta ndivi ñóó ká'an ná xí'in Ndios, ta ndúkú ná noo ra ña chindeé ña'á ra.

⁶ Ta saá ni, yoo sava náña'a ná ñixi'ij yij, ta ndasaá kuiti sákusij ná ini mji ná, ké'é ná ndatán kóni yikĩ koñu mji ná, ta nayó'o ndatán yoo ná ñixi'ij noo Ndios, saá yoo ná, vará táku ka ná ñoyivi yó'o.

⁷ To'on yó'o ka'nda chiño ún noo nañani yó xí'in náki'va yó, na kúu nave'e náña'a ná ñixi'ij yij, chi nayó'o xínjĩ ñó'ó kasa ndivi na ñava'a. Ta saá on koo xa'a ña chika ñivi kuachi sata na.

⁸ Saá chi tá yoo ñivi na ká'an, káchí na kándixa na Jesucristo, ta on xijn na chindeé na nave'e mji na, ta nayó'o on vása kisa ndivi na ñanda yichij Jesucristo, ta saá ñivi yó'o kini ka ké'é na noo ñivi na on vása kándixa Jesucristo.

⁹ Ta náña'a ná ñixi'ij yij, ta kómí ná unj siko kuija ta ku'a'a ka, ta ñii ñii nayó'o ñii laá xikuu yij ná, ta ndasaá kuiti náña'a yó'o, va'a ka'yi ún kivi ná noo tutu xa'a ña naki'in ná ña taxi nañani yó xí'in náki'va yó na kándixa Jesucristo xa'a ña chindeé ña'á na.

¹⁰ Ta náña'a ná naki'in ñava'a yó'o xínjĩ ñó'ó kuu náña'a ná xa kisa ndivi ku'a'a ní chiño va'a, ta kánóo va'a to'on xa'a ná noo ñivi. Xínjĩ ñó'ó kuu ná náña'a ná va'a saku'a'no sa'ya, xínjĩ ñó'ó

kuu ná náña'a ná xí'in ñato'ó ñaki'in ñivi na kixaa ve'e ná, ta xínì ñó'ó kuu ná náña'a ná xa ñakata xa'a nañani yó xí'in náki'va yó kivi kixaa na ve'e ná, ta xínì ñó'ó kuu ná náña'a ná chindeé ñivi na xó'vi, ta ndixa taxi xí'in mji ná ña kasa ndivi ná ndi'i saá ñoq chiño va'a.

¹¹ Ta yóo náña'a ná ñixi'i yii, ta náyo'ó ta'an tondaá unj siko kuja ná, ta on ka'yi ún kivi náyo'ó ñoq tutu ña káchí naki'in ná ña'a ña taxi nañani yó xí'in náki'va yó xa'a ña chindeé ña'á na. Saá chi vaxi kivi kutoo ní náña'a yó'o koo yii ná, ta kixá'á ná on kua'a ka ná kasa ndivi ná ña kóni Jesucristo, vará si'na ñika'an ná ndi ndixa on tonda'a ka ná xa'a ña kasa chiño ná ñoq Ndios.

¹² Ta saá nakuiso ná kuachi, chi xí'in ña tonda'a tuku ná, ya'a ndoso ná to'on ña si'na ñika'an ná kasa ndivi ná.

¹³ Ta yóo inká ña on vá'a ké'é sava náña'a kuáchí yó'o, chi sakuá'á ná kuu ná náxúxán, ná xíka sji mji ñii ñii ve'e ñivi, ndáto'on ná to'on visi, ta kóni ná ka'nda chiño ná ñoq inká ñivi ndasaá xínì ñó'ó kasa ndivi na chiño mji na, ta ká'an ná xí'in ñivi to'on ña on vása xínì ñó'ó.

¹⁴ Ta xa'a ñayó'o ndáto'onj xí'in náña'a ná ñixi'i yii, ta nákuáchí kóni kúu ná, va'a ka tonda'a tuku ná, ná koo sa'ya ná, ta ná kuni'i va'a ná yichi ña kasa ndivi ná chiño ve'e mji ná. Ta saá ñivi na on vása kándixa Jesucristo on kuchiño na ka'an na ña on vá'a xa'a yó.

¹⁵ Ñayó'o ndáto'onj xí'in ndó, chi saá yóo ña on vá'a ké'é sava náña'a nákuáchí ná ñixi'i yii. Náña'a yó'o xa sandakoo ná yichi Jesucristo ta vitin ndíkon ná yichi ñanímá ndiva'a ká'no

Satanás.

¹⁶ Tá ñii ña'a án ñii ɬa na kándixa Jesucristo kúu nave'e ñii ña'a ñá ñixi'i yii, ta nayó'o xínì ñó'ó chindeé na ñáña'a ve'e mji nayó'o. Ta saá ɔn sandi'i na xá'a sɪ'ún ña xínì ñó'ó na ve'e ño'o noo kisa ká'no na Jesucristo, ta na ve'e ño'o yó'o kukomí na sɪ'ún xá'a ña chindeé na náña'a ná ndixa ñindoo mató'ón, chi ñixi'i yii ná, ta ɔn koó nave'e ná.

¹⁷ Ta naxikua'a na ndíso chiño xí'in natá'an na na kándixa Jesucristo, tá va'a ní'i na yichì ta va'a kisa ndivi na chiño, ta xínì ñó'ó kasa to'ó yó nayó'o, ta chindeé yó na xí'in ña xínì ñó'ó na. Ta ña xínì ñó'ó ní ká kúu ña kasa to'ó ní yó ta chindeé yó ñivi naxikua'a na ká'an ndoso to'on Ndios, ta sáná'a na to'on ña ndaa.

¹⁸ Saá chi to'on Ndios ña ñɪta na xina'á káchí ña saá: “Tá kisa chiño sɪndiki sana ndó ña ndundii trigo, ta ɔn chikaá ndó ñono yu'u tɪyó'o, ña kuchiño kaxi rí trigo”, káchí to'on Ndios. Ta inká xiiña noo to'on Ndios káchí ña saá: “Ndi'i ñivi na kisa chiño kómí na ndayí ki'in na ya'vi na”, káchí to'on Ndios.

¹⁹ Tá yóo ñii taxikua'a ɬa kúu ɬa ndíso chiño xí'in na kándixa Jesucristo, ta ñii laá ɬa vaɪxi taxi kuachi xá'a ɬayó'o, ta saá yó'ó ñani yó ɬa Timoteo, ɔn kama kándixa ún xá'a ña ká'an ɬayó'o ɬa táxi kuachi. Saá chi xínì ñó'ó ɔvi án unì ñivi na kasa ndaa xá'a ñii ñii kuachi, ta saá va'a kándixa ún ña ká'an na.

²⁰ Tá yóo ñii taxikua'a ɬa kándixa Jesucristo, ta ɔn xiin ra sandakoo ra ña ɔn vá'a ké'é ra, ta saá noo ndi'i ñivi na nákutá'an ve'e ño'o, ká'an ún xí'in ɬayó'o ndí xínì ñó'ó sandakoo ra ɔn ké'é ká

ra ña ɔn vá'a. Ta n̄ivi na xín̄i sɔ'o ña ka'an ún, kuyi'ví na ña yiyo saá kundo'o m̄ji na, tá ke'é na ña ɔn vá'a.

²¹ Nɔɔ Ndios xí'in nɔɔ Jesucristo xí'in nɔɔ naángel, sákuiso chiñōi yó'ó ña kasa ndivi ún ndi'i ñayó'o ña xá'nda chiñōi nɔɔ ún vitin, ta ɔn vá'a nakaxin ún n̄ivi, ta ñii k̄i'va ñandaa ke'é ún xí'in ndi'i na.

²² ɔn kama ní chinóo ún nda'a ún s̄inj̄i t̄aa ña nakuiso chiñōi ra kasa ndivi ra chiñōi xí'in na kándixa Jesucristo. Saá chi tá ɔn vá'a ke'é tayó'o chiñōi, ta m̄ji ún nakuiso ún kuachi xa'a ña ɔn vá'a ke'é ra. Ta m̄ji ún, xín̄i ñó'ó kuu ún t̄aa t̄a ndixa kutak̄u ndii nɔɔ Ndios.

²³ Ta ɔn ko'o ní ka ún ndasaá kuiti takuií, ta va'a lo'o kuiti vino ko'o ún, xa'a ña sandúva'a lo'o rá ña kí'vi t̄ixin ún, ta saá tuku saña lo'o kuẽe ña nóno káni tá'an xí'in ún.

²⁴ Yoo sava n̄ivi na ké'é ña ɔn vá'a, ta k̄iv̄i t̄a'an ka nachiño kasa nani na xa'a kuachi yó'o, ta ndi'i n̄ivi xa xín̄i na xa'a kuachi yó'o. Ta yoo ink̄a n̄ivi na ké'é ña ɔn vá'a, ta ku'a'a ní k̄iv̄i yoo se'é ña ɔn vá'a ke'é nayó'o. Ta saá ni, kixaa k̄iv̄i kundaa ini n̄ivi xa'a ña ɔn vá'a yó'o.

²⁵ Ta ñii k̄i'va saá ndó'o sava n̄ivi na ké'é chiño va'a, chi tá kundivi chiño va'a, ta ku'a'a ní n̄ivi kama va'a xito na ñayó'o. Ta yoo ink̄a chiño ña va'a ké'é n̄ivi, ta ku'a'a ní k̄iv̄i yoo se'é ña, ta saá ni, ɔn kuchiño koo se'é ña ndi'i saá k̄iv̄i.

6

Tɔ'on ña ká'an xa'a n̄ivi na kúu naesclavo

¹ Tá nañani yó an náki'va yó kúu naesclavo, ta nayó'o xín̄i ñó'ó kasa tɔ'ó ní na patrón na. Ta

xí'in ña ké'é na saá, inkā ñivi ɔn ka'an na ña ɔn vá'a xa'a Ndios, ni ɔn ka'an na ña ɔn vá'a xa'a to'on saná'a yó.

² Ta naesclavo na kisa chiño ñoɔ tapatrón ta kándixa Jesucristo, ta naesclavo yó'o, ɔn vá'a kani sɔni na ndí ɔn vása xini ñó'ó kasa to'ó na tapatrón na chi ñani na kúu ra. Ndā víkā, naesclavo yó'o xini ñó'ó chikaā ká na ndee ña va'a kasa ndivi na chiño ñoɔ tapatrón na. Saá chi ñani na, ta ta kí'vi ní ini na xini na kúu tapatrón na, ta tayó'o kúu ta ta naki'in ñava'a xa'a chiño kisa ndivi naesclavo yó'o. To'on yó'o kúu ña xini ñó'ó saná'a ún ta ka'an ndoso ún ñoɔ ñivi.

*Tá kutaku yó ndatán kóni Ndios,
ta ɔn kutoo ní yó sɔ'ún ñoyívi yó'o*

³ Tá yóo ñivi na saná'a inkā to'on ña ɔn vása yóo yu'ú xí'in to'on ña ñika'an Jesucristo, án saná'a na to'on ña ɔn vása yóo yu'ú xí'in to'on ña ndā saná'a yó ña ká'an ndasaá kutaku yó ndatán kóni Ndios,

⁴ ta na saná'a ña ɔn vá'a yó'o kúu ñivi na kisa ká'no xí'in mɔi, ta ndixa ñivi yó'o ndā lo'o ɔn vása xini na. Nayó'o ndasaá kuiti kúsiɔ ini na xí'in to'on ña kani tá'an na xí'in ñivi xa'a ña kóni kachí sava to'on. Ta xí'in ña nā ñivi saá, kama ní káku ña kuini ini na xini tá'an na, ta kixá'á na sáɔ ini na xini tá'an na, ndā tondā na nata'vi tá'an na, ta kixá'á na ká'an na kuá'a ní to'on ndiva'a xa'a natá'an na, ta xani sɔni na ndí na ɔn vá'a ini kúu ndi'i natá'an na.

⁵ Nayó'o, xí'in to'on káni tá'an na xa'a ña ɔn vása ndáya'ví. Ta ndatán yóo ña tá'yí saá yóo ña

xínì tóni nayó'o, saá chi ɔn vása xínì na yu kúu ña ndixa ndaa. Ta xáni sìnì na ndí ña kundikɔn na yichì Ndios kúu ña nduu na nakuíká, na kuá'a ní sɪ'ún kukomí. Ta yì'i ká'an ì xí'in ún ɔn nakutá'an ún xí'in nivi na ɔn vá'a yó'o.

⁶ Tá ndixa ndíkɔn ndino'o ini yó yichì Ndios, ta tá kúsì ìni yó xíni yó ñava'a táxi Ndios nda'a yó, ta saá ndixa kómí yó ñakuíká ndino'o.

⁷ Saá chi kivi kaku yó ñoyívi yó'o, ɔn koó ña'a ní-kixaá xí'in yó. Tá tɔndaá kivi kivi yó ta saá kuá'an yó xí'in Ndios, ta ɔn kuchiño ko'ɔn nda ñii ñakuíká xí'in yó.

⁸ Ñakán kía, tá xa yóo ña xíxi yó xí'in tikoto kundixin yó ñoyívi yó'o, ta va'a ná kusì ìni yó xí'in ñayó'o.

⁹ Yóo nivi na kóni kukomí ñakuíká ñoyívi yó'o, ta xa'a ñayó'o kí'vi na kuachi ké'é na ña ɔn vá'a, chi kixá'á na kútoo ní na kukomí na kuá'a ní noo ña ɔn vása ndáya'ví, ña kúu ña sátiví xí'in mji na, ta kixá'á na kuá'an na yichì noo ndi'i xa'a na.

¹⁰ ɔn vása va'a ña kútoo nivi kukomí na kuá'a ní sɪ'ún, chi noo ña kútoo ní na sɪ'ún kaku ndi'i saá noo ña ɔn vá'a. Xa'a ña kútoo ní na sɪ'ún, sava nivi sandakoo na yichì Jesucristo, ta saá xo'vi ní nayó'o.

*TaPablo ká'an ra xí'in taTimoteo
xínì ñó'ó kutaku ra ndatán kóni Ndios*

¹¹ Ta yó'ó, taTimoteo, ta ta kisa chiño noo Ndios, xínì ñó'ó kuxíká ún noo ndi'i ña ɔn vá'a. Ta xínì ñó'ó kasa ndivi ún ñandaá, kutaku ún ndatán kóni Ndios, ta kandixa ndino'o ini ún Jesucristo. Kuki'vi ini ún koni ún nivi, kundeé

ini ún nọọ ndi'i ña xọ'vị ún, ta kuu ún taa tạ va'a ini xí'in ndi'i nịvi.

¹² Saá tuku xínị ñó'ó chikaa ní ún ndeẹ xa'a yichị Jesucristo ña kúu ña ndíkọn yó. Ta chikaa ní ún ndeẹ xa'a ña taxi Ndios ña kutaku ún xí'in ra ndi'i saá kịvị ña vaxi. Chi xa'a ñayó'o, Ndios naakana ra yó'ó kịvị nịka'ạn ún kándixa ún Jesucristo nọọ kuạ'a ní nịvi xịni na yó'ó.

¹³ Ta vitin nọọ Ndios, taa tạ taxi ña táku ndi'i saá ña'a ña yóo, ta nọọ Jesucristo, taa tạ ndakuiin xa'a ñandaạ kịvị xındichi ra nọọ tạPoncio Pilato, xá'nda chiño ị nọọ ún vitin.

¹⁴ Chikaa sọ'o ún ndi'i ña xá'nda chiño ị nọọ ún, ta kasa ndivi ún ndi'i ña kóni Ndios, ña ọn kuchiño inkạ nịvi ka'ạn na ña ọn vá'a xa'a ún. Saá vivii kutaku ún ndạ kixaa kịvị ndikó Jesucristo, Taa tạKá'no nọọ yó.

¹⁵ Tá kixaa kịvị ña chítónị Ndios, ta tuku sanatịvi ra Jesucristo ña koni nịvi ñoyívi yó'o. Ta ñii laá Ndios yó'o kúu tava'a ní, taa taká'no nọọ ndi'i nịvi xí'in nọọ ndi'i ña'a ña yóo ñoyívi. Kómí ra ndi'i ndeẹ xí'in ndi'i ndayí nọọ ndi'i narey, ta Ndios kúu tạ ká'no kạ nọọ ndi'i naná'no na yóo ñoyívi yó'o.

¹⁶ Ta ñii laá Ndios kúu tạ xa táku ndi'i saá kịvị nịya'a ta kutaku ra ndi'i saá kịvị ña vaxi. Yóo Ndios ma'ño ña yé'e ní ña ọn vása kuchiño koto kaxín nịvi xí'in nduchụ nọọ na, ni ọn vása kuchiño tondạ yatin nịvi nọọ yóo ña yé'e yó'o. Ndạ ñii nịvi ọn tạ'án koni na Ndios, ni ọn kuchiño koni na ra xí'in nduchụ nọọ na. ịNá naki'in Ndios ndi'i ñato'ó, ta ná kasa ká'no ndi'i nịvi Ndios, chi kómí ra ndi'i ndeẹ ndi'i saá kịvị! Saá ná koo ña.

17 Xínì ñó'ó ndato'on ún xí'in ñivi na kómí ñakuíká ñoyívi yó'o ña on kuu na ñivi na ña'a ní ini, ni on kani sijnì na ndí ñakuíká na kúchiño ña sakaku ña na noo ndi'i tondó'ó, chi ñakuíká on sivi ña kundeé koo ndi'i saá kivi kúu ña, chi ñii kivi kuchiño ndañó'ó ñakuíká, an ndi'i xa'a ña. Va'a ka ñivi nakuíká ndixa ná kundaa ini na ndí Ndios kúu ta kúchiño chindeé ra na, chi ñii laá Ndios tatáku kúu ta ta táxi ndi'i saá noo ñava'a nda'a yó, xa'a ña koni ñó'ó yó ñayó'o xí'in ñasii ini yó.

18 Ndato'on ún xí'in ñivi nakuíká ndí xínì ñó'ó ke'é na ñava'a, ta kasa ndivi na kuá'a ní chiño va'a. Ta xínì ñó'ó kuu na ñivi na on vása sí'nda, ta víka koo ti'va na ta'ví na ñakuíká kómí na, ta xí'in ñasii ini na taxi na ña xínì ñó'ó ñivi nda'a na.

19 Tá ke'é nakuíká saá, ta kivi vaxi nayó'o kukomí na ñakuíká ndino'o ñoyívi ñino. Saá chi ñava'a ké'é nayó'o sáná'a ña ndí ndixa va'a kándixa na Ndios. Ta saá kuchiño taxi ra ña kutaku ndino'o na xí'in ra ndi'i saá kivi ña vaxi.

*Ñayó'o kúu to'on sondí'í tutu yó'o
ña sakuiso chiño taPablo taTimoteo*

20 Tata Timoteo, chikaá ún ndee ña va'a kasa ndivi ún chiño ña sakuiso chiño Ndios yó'ó. Ta on chikaá so'o ún to'on vatá ña on vása ndáya'ví ña kúu ña ká'an ñivi na ndíkõn yichì on vá'a ñoyívi yó'o. Xáni sijnì ñivi na on vá'a yó'o ndí ká'an na to'on ndíchí, ta on sivi ñandaá kúu ña xáni sijnì na.

21 Yóo sava ñivi na kándixa ta táku na xí'in to'on vatá yó'o, ta xa'a ñayó'o sandakoo na yichì Jesucristo.

Ta ndi'i saá kivi Ndios ná ke'é ra ñavā'a ní
xí'in ún. Saá ná koo ña.

**Alacatlalzala Mixtec New Testament
Portions of the Holy Bible in the Alacatlalzala
Mixtec language of Mexico**

copyright © 2019 Wycliffe Bible Translators, Inc.

Language: Mixtec, Alacatlalzala

Contributor: Wycliffe Bible Translators, Inc.

All rights reserved.

2025-05-14

PDF generated using Haiola and XeLaTeX on 14 May 2025 from source
files dated 14 May 2025

a74bfb3f-bd55-5ab9-983e-8d19de48c198